



Kommunit tamaasa suleqatiginissaat aallartisarniaqqullugu, kommunillu akornanni naligiinnerulernissaq siunertaralugu iliuseqarnissamut periarfissaasinnaasunik qulaajaanissaq, tamatumanilu kommunit ataasiakkaat suliaasnik isumagisassaminnik aningaasaqarnikkut periarfissaat eqqarsaatigalugu, taamatuttaarlu iliuserisassat pineqartut aningaasatigut allaffissornikkullu kingunerisassaat qulaajaqqullugit Naalakkersuisut peqquneqarnissaattut Inatsisartut aalajangiiffigisassaannik siunnersuut. Qulaajaanissami aningaasatigut naligiissaarinnermut aaqqissuussineq atuuttoq ilaatinneqassaaq, taamaattorli taannaannaq killiffigineqassanngilaq.

(Inatsisartunut ilaasortaq Sara Olsvig, Inuit Ataqatigiit)
(Siullermeenera)

Demokraatini isumaqarpugut eqqarsariaaseq tunngaviumik eqqumiitsoq ulluminut naleqqiullugu naligiissaarinerussagutta. Tamanna pitinniarneqarpoq ingerlatsivinnut tapiiffigeqattaannikkut, nunap immikkoortuini aalajangersimasuinnarni inuutissarsiutitut ingerlanneqarsinnaasunut aamma innuttaasunik ineriartortitsiniarnikkut aningaasanik agguasseqqeqattaarnek atorlugu.

Ilumut, paasiuminaatsipparput ittagaqaq, oqaasissaajaalaarneruvoq kiisalu atorsinnaanani.

Oqallisigineqartarpoq tamatigut kikkut tamarnik ikiorneqartariaqarnera aamma Namminersorlutik Oqartussat, politikerit, aqutsiviit allallu "akuleruttariaqartut" innuttaasut inuunerannut taakkulu aqulerlugit. Isumaqarpugut innuttaasut nammineq inuunerminnut akisussaasariaqartut aamma isumaginninnermut periuseqarpugut tunngavigalugu, pisortat akuleruttassasut innuttaasut ikiorneqarnissaminnik pisariaqartitsileraangata.

Aamma nunatsinni annertuumik tapiissuteqartarnek atorparput assersuutigalugu imeq, kiassarnek, nalunaarasuartaasiveqarnermi kiffartuussinerit angallannerlu eqqarsaatigalugit: Tamatuma sanitigut Namminersorlutik Oqartussat inuutissarsiutitut mikinngutsumik tapiissuteqartarput aamma sullivinnut ineriartortitsinnermut. Pisortat toqqaannartumik toqqaannanngikkaluamillu inuutissarsiutit ilaannut tapiissuteqartarput aamma inunnik isumaginneriaaseq nunanit avannarlernit kingornussarput ineriartortinneqarnikuuvoq.

Tamatigut oqallisigineqalersarpoq eqiterineq imaluunniit siammarterinissaq aamma naligiinneq naapertuunnersoq naapertuutinnginnersorluunniit, nassuerutiginaquli suliaasatta annerpaat ilagigaat nutaamik eqqarsartariaqarnek, sakkortunerusumik pingaarnersiutinissaq aamma allanngortiterinissaq kiisalu minnerunngitsumik isertitaqarfitta sapinngisarput tamaat



annertusarnissaat.

Allaanngilaq allannguisoqarnissaa kissaatigigaluarlugu allanngorusunngitsugut, pissusitoqqavullu uteqattaarfigerujuuginnarlugit. Kipiluttunarsinnaavoq oqallittoqartaqaarmi kisianni suamik allannguisoqartarpoq.

Demokraatini soorunami isumaqarpugut inuiaqatigiinni ajornartorsiutinut pioreersunut akissutissaq tassaasoq aningaasat pigeriikkagut kaaviiarteqqissagigut, tapeeqataassasugut taakkulu uteqattaqqillugit.

Isumaqarpugut oqallisigisariaqaripput ikiorsiissutit tunniuttakkagut naammannersut, inunnik isumaginninnerup iluani iloriusissaaleqineq - sullinneqarnissamut periarfissat imaliallaannaq pinaviannngitsut pissutaallutik - imaannginnersoq innuttaasut ajornartorsioraluttuinnartillugit noqittarnerigut, inuunermi ataasiarlutik ajutooreeraangata.

Una siunnersuut isigaarput nassuerutiginninnertut oqartussaaffiit tigusatta ajortumik ingerlanerannut. Kommunit IA-p oorinik arsaarusutai, namminneq siuariartormik ilarujussua namminneq akilersorpaat aamma innuttaasut taakkunani najugaqarusuttut namminneq nuuttarput. Illoqarfinnut nutserneq nunarsuarmi tamarmi pivoq aamma Kalaallit Nunaanni.

Kommunip IA-p oorinik arsaarusutai ilungersornikooqaat sipaarussullutik, akissaqartititik naapertorlugit ingerlalerumallutik, innuttaasumik pisariaqartitaat tusaallugit aamma piviusunngortinnissaa sulissutigisarlugit. Aamma innuttaasut akisussaaqataanerat ilaatillugu. Politikikkut tusarnesaarumalluni oqartussaaffinnik siammarterinissaq kisiat pinnagu. Sooq siuarineq pillarneqarnermik kinguneqassava? Sooq kikkut tamarmik naligeeqqissaamik pineqassappat?

Atagu nukigut atoriartigit ajornartorsiutit iliuuseqarfigisinnaasagut iliuuserfigalugit aamma oqallisigeriartigu, ikiorneqarumassanersugut imaluunniit nunarsuarmioqatigut allat isumassarsiorfigissanerigut inuiaqatigiinni inuttut ajornartorsiutit aaqjiiffiumallugit aamma ilinniartitaanikkut suliassat annertuut, agguaaqqeqattaarata kisianni anguniarlugu piffissap ingerlanerani kikkut tamarmik naammattumik pinissaat.

Siunnersuummi nunami maani innuttaasut tamarmik pitsaanerusumik atugaqaleqqusineq eqqarsaatigalugu, Demokraatit Siumut Atassullu suleqatigalugit ilungersooqaagut qinigaaffimmi matumani tamanna angorussullugu aamma allatigut IA-p eqqartungaatut aningaasatigut tunngasortaannaa pinnagu.

Ineriartortarfiit, meeqqat inuusuttullu pitsaanerusumik atugaqalernissaat, aningaasaliissutinik allannngortiterinerit, qitiusumik siunnersuinerit, ilinniartitaanerup iluani annertusisamik



ilitserusisarnissaq, ilinniarfiit allallu akornanni ataqatigiinnerunissamut aningaasaliissutit amerlanerit allarpassuillu suliami tassani - aningaasat tunniussinnaasatta iluini.

Naligiinneq nammineq anguniarneqanngisaannassaaq - robotiunngilagut assigiimmik sanaajusut, inuuvugut, kialaartut assigiinngitsut, assigiissarneqarsinnaanngitsut, assigiinngitsunik tunuliaqutaqaratta, ilinniagaqaratta, angajoqqaqaratta piginnaaneqarlutalu.

Inuit assigiinngitsuuvugut aamma inuunitsinni kingornutatta ajortut allanngortinnissaannut, ilinniarnissatsinnut imaluunniit allatigut pitsaannerusumik inuuneqalernissatsinnut tamatta assigiinngitsunik tunngaveqarpugut.

Sunnguamilluunniit akornguteqanngilaq assigiinnginnerput. Pisariaqarpoq aamma assigiinnginnerput savitutitsisunngortarpoq.

Demokraatini isumaqarpugut, naligiinnerulernissarput ujartussanngikkipput, pissutsinut akuerisanut malinnaaniarnaqaaq taava pitsianngitsoq "ajunngilaq" aamma "ajorpoq" eqqartulissavagut, paarlattuanik ujartortariaqarpagut periarfissat aningaasarsiornerup nunamilu sinaakktissat atukkatta iluanni.

Naamik, atagu eqqartoriartigu pisortat aningaasartuutaasa ikisarnissaat, ineriartortitassallu kikkut tamat iluaqutissaannik aamma ajornartorsiutiviit aaqqissuuteriartigit aaqqissuussinerillu pioreersut atorlugit aamma Namminersorlutik Oqartussat, kommunit allallu akornanni suleqatigiiffioreersut il.il.

Aamma Demokraatini isumaqarpugut kommunit Namminersorlutik Oqartussallu immikkoortut namminneq aqunnissaannut ingerlatsinissaannullu pisussaaffii pigiinnartariaqarigut, annikitsualuit inatsisiliuuteqattaarnagit kiisalu innuttaasut pisortallu qilersornagit.

Isumaqatigilluinnarparput anguniassagatsigut Kalaallit Nunaat nukittoq.

Taamatut oqaaseqarluta siunnersuut itigartipparput Naalakkersuisullu allannguutissatut siunnersuutaat ilalerlugu.